

佛本行集經卷第三十八

八

隋天竺三藏法師闍那崛多譯

那羅陀出家品第四十一之二

爾時伊羅鉢龍王作如是念世尊已知我名字也復更重於如來世尊增加歡喜得清淨心生愛敬心時伊羅鉢即隱本形別更化作摩那婆身近世尊前頂禮佛足却住一面住一面已即更親誦彼二偈文而重問佛在於何自在染著名爲染彼云何清淨云何得癡名癡人何故迷云何名智者

何會別離已名曰盡因緣

爾時世尊復還以偈答龍王言

第六自在故王染名曰染無染而有染是故名爲癡以沒大水故故名盡方便一切方便盡故名爲智者

爾時伊羅鉢龍王復更以偈重白佛言受持何戒行何行復更作於何業因能於人天受勝身熏修最上無邊利爾時世尊即還以偈答龍王言供養老人勿毀他欲見尊長須時節

常愛善行及法語
樂法深念正菩提
實言精苦修梵行
質直詳審意勤劬
謠曲傲慢悉遠離
善言在於正念中
若人常有放逸行
若能行於聖道因
彼等忍辱正思念
爾時世尊說此偈已
數聽正真利益談
智慧分別思惟義
於他常行布施檀
笑哭語言皆避惡
勿共他人作怨讐
若聞若知定心意
彼輩無聞無正思
是名依行淨口業
在於多聞廣智中
即那婆仙即

離欲法爾時伊羅鉢龍見佛聞法瞻仰尊顏
悲喜相交淚下如雨爾時世尊告伊羅鉢大
龍王言汝大龍王何故忽然瞻看我面笑而
復悲如是淚下作是語已伊羅鉢龍即白佛
言如來世尊我念往昔有佛出世名曰迦葉
多陀阿伽度阿羅訶三藐三佛陀我時於彼
佛法之中修行梵行為出家人世尊我於彼
時見有一草名曰伊羅我時以手斫彼草取
執捉將詣迦葉佛所到佛所已白彼佛言世
尊若有比丘研於此草得何果報時彼世尊

即報我言汝比丘知若人故心斫斷此草彼人當墮牢固地獄世尊我於爾時於彼迦葉多陀阿伽度阿羅訶三藐三佛陀邊聞於此語心中不信不生希有奇特之想以我不取彼佛語故不受於彼如來敎誨又自思惟但

我所此伊羅之草有何果報心作是念世尊而我當時既造於彼波夜提罪而不信有波夜提報復不能捨此之邪見命終已後遂即生於長壽龍中是故彼時爲我立名名伊羅鉢伊羅鉢也而我爾時還於彼處迦葉佛邊

問彼佛言大聖世尊我於何時當得脫此惡龍之形何時當得復於人身作是語已默然而住爾時彼佛迦葉如來多陀阿伽度阿羅訶三藐三佛陀即告我言汝大龍王今應當知過若干年若干百年若干千年過若干百

千萬億年後當有佛出興於世彼佛號爲釋迦牟尼多陀阿伽度阿羅訶三藐三佛陀彼釋迦佛當記汝得復於人身世尊我於彼時作如是念我今以於迦葉佛邊所說法戒違背不信受此龍身以微善緣今值世尊還不

持戒世尊我見如此自罪過故訶責自身泣
淚啼哭如雨滿面見世尊喜所以微笑爲是
因緣我如是念希有希有未曾有事如是之
法諸佛世尊乃能如是無有二言如彼迦葉
如來世尊授於我記汝大龍王過若干年乃
至億年於後當有如來出世如彼佛言無有
異也世尊我以是緣今復問佛世尊我何時
得脫此龍身更何時得復於人身爾時世尊
告伊羅鉢大龍王言汝大龍王從今已去過
若干年乃至如前若干億年於後當有佛出

於世名曰彌勒多陀阿伽度阿羅訶三藐三
佛陀汝於彼時當得人身時彼世尊度汝出
家修行梵行得盡諸苦爾時世尊爲伊羅鉢
更復說法令其歡喜勸示教言來汝龍王歸
依佛歸依法歸依僧受持五戒而汝當得長
夜利益大得安樂伊羅鉢龍既從佛聞如是
語已即白佛言如世尊教我今歸依佛法僧
寶受持五戒爾時世尊重更教誨伊羅鉢言
汝大龍王今應知時伊羅鉢語那羅陀摩那
婆言來摩那婆仁須幾多金銀珍寶隨意所

須從我索之我當與仁而此龍女仁無所用
所以者何此之龍女口一出氣能令世人作
於灰土時那羅陀報龍王言汝大龍王我亦
不用金銀珍寶亦復不用龍王之女何以故
我今佛邊聞諸偈已即於諸欲生厭離想爾
日入
時伊羅鉢龍王頂禮佛足繞佛三匝辭佛而
還爾時世尊告彼八萬四千衆等其那羅陀
最爲上首次第爲說所謂教行布施持戒得
上生天又說欲中多諸過患今生厭離證於
漏盡又教出家讚歎功德助成解脫而世尊

知彼諸大衆那羅陀等最爲上首各各皆生
歡喜之心生踴躍心生柔軟心得無礙心爾
時世尊所有教法今他歡喜真正要趣謂四
聖諦苦集滅道世尊既將此四聖諦種種方
便解說顯示教誨建立分別宣揚教行學習
如是生苦如是苦集如是苦滅如是得道世
尊以此四種聖諦種種因緣顯示宣說乃至
教行而彼衆等即於其坐離諸塵垢盡煩惱
界於諸法中得淨智眼所有集法皆悉除滅
如實知見譬如淨衣無有垢膩無有黑毛隨

欲染時而受諸色如是如是彼諸大衆那羅陀等於彼坐處遠離煩惱悉盡諸集證知諸法建立無畏度諸疑網不隨他語如世尊教助並歸依佛法僧寶受持五戒是時彼衆八萬四千從坐而起頂禮佛足圍繞三匝辭還

五

本處爾時童子那羅陀仙已見諸法已得諸法已證諸法已入諸法度諸所疑度諸所惑無復疑網已得無畏不隨他語已知世尊法教微密即從坐起頂禮佛足而白佛言唯願世尊與我出家及具足戒爾時佛告彼童子

言善來比丘入我法中行於梵行正盡諸苦令到其邊時彼長老便成出家戒行具足是時長老那羅陀比丘既出家已具戒成就未經幾時獨行獨坐捨於衆閑謹慎身口不曾放逸精勤勇猛無懈怠故不久之間其善男子所為出家無上梵行進於彼岸現見諸法自證諸通證已自知自見自覺而口唱言生死已盡梵行已立所作已辦更不受後如是了知而彼長老即成羅漢心善解脫慧善解脫而那羅陀長老比丘既得羅漢無著之果

空閑獨處作如是念我今可詣佛世尊所以
偈問佛爾時長老那羅陀比丘於晨朝時從
房而出往詣佛所到佛所已頂禮佛足却坐
一面坐一面已時那羅陀即便以偈問佛義
言

我今方驗昔私陀 蹄了如語莫不實
今復得聞世尊教 度到諸法彼岸邊
既已捨家能出家 復持乞食存活命
行於此行得何報 我今諮問佛世尊
爾時世尊即還以偈報彼長老那羅陀言

汝問行行果報者 此事無常難驗知
我今爲汝分別宣 宜發精進令牢固
凡有行者入聚落 讀歎毀辱平等心
其有亂意處須防 當取寂定無上果
行人常觀斗喚響 猶如猛火熾炎然
見於婦人端正容 四八 應須捨離勿生染
以不染於諸欲法 彼此各無相染因
無染即無鬭競緣 六 世間所有衆類輩
我身彼身無有異 我命彼命等共同
如是審諦思惟觀 瞞時勿殺勿相害

應捨貪等我慢事
諸有眼者能離然
若入聚落乞飯食
諸貪染處若捨捐
夜獨坐時莫念請
但至天晚欲乞時
到聚落中默然住
遊於聚落莫忽嗤
手執鉢盂行乞食
設得少食心莫嫌
一切凡夫染著身
如食毒藥平等死
莫觀諸事散亂心
以無著故當解脫
遠離聚落亦勿思
在於鋪上如仙人
恐怖皆捨勵心意
次第歷家乞食行
在於樹下當喜歡
自餘諸根悉調伏
向他語言勿麤獷
雖有才辯但默然
布施飯人勿毀罵

所得之處最爲善
於仁邊生平等心
食訖以後還林內
住於樹下結跏趺
在於鋪上如仙人
身心及口皆歛攝
恐怖皆捨勵心意
日光餘事莫想唯念林
次第歷家乞食行
在於樹下當喜歡
自餘諸根悉調伏
向他語言勿麤獷
雖有才辯但默然
博聞多智須稟承
以舌柱齶漸出息
心意不得著諸緣
穢濁之處並須捨
善言處所精勤求
其有寂靜離欲者

若如是人應親近。至於彼邊心信從。
信已恭敬如世尊。勿說他家是非事。
莫毀他人自讚歎。語言不得大高聲。
猶如猛火遠處聞。如是思惟斷諸惑。
是名比丘出家法。作不作事悉離身。
若能平等觸處安。聖人行行應如是。
當知業如車輪轉。對一人說聖法時。
一人思惟即證知。調伏諸根心成就。
調伏諸根獨處坐。於後名聞徧十方。
此行唯在空閑林。或坐山間及樹下。

或在河岸池泉側。如是處所坐思惟。
闢少智慧恒睡眠。滿足寂定常覺悟。
如泉如池如大海。寂定之者亦復然。
愚癡人如半瓶泔。智慧者猶滿池水。
智人雖復多言語。言語雖多不失時。
或有才辯語言多。復有少言而審諦。
如是少言亦名智。是則名爲仙聖人。
是名真實中道行。是名寂靜得解脫。
爾時世尊說此偈已。其那羅陀心意開解歡喜。
踴躍又有師言。而此長老那羅陀者。其本

種族姓迦旃延以本姓故衆人稱言大迦旃
延又復長老大迦旃延佛曾記言汝等比丘
今應當知我此聲聞大衆之中捷利取義聞
有廣說而其聰敏悉能領悟或少聽受而能
爲他廣分別說最第一者所謂即此大迦旃日八延比丘是也爾時彼等諸比人輩聞是語已
生希有心各相謂言今此尊者大迦旃延甚
爲希有心生疑惑更無有人能決我疑解了
一切諸結義者唯佛世尊即往佛所到佛所
已共白佛言善哉世尊今此長老大迦旃延

往昔曾種何等善根而今來詣佛世尊所即
得出家受具足戒證羅漢果世尊復記聲聞
衆中捷疾利智略說廣解廣言能略最第一
者所謂即此大迦旃延比丘是也我等願聞
爾時佛告諸比丘言汝諸比丘至心諦聽我
念往昔此賢劫中衆生壽命二萬歲時有一
如來出現於世名曰迦葉多陀阿伽度阿羅
訶三藐三佛陀爾時彼佛迦葉如來轉法輪
已堅法幢竟昔誓願滿具自在利辨大丈夫
一切作事開化所化度諸衆生蓮華兒等八

千億類今生天上是時彼佛入涅槃後並及建立解脫法門悉皆在此波羅奈城鹿野苑中諸仙居處說法而住爾時彼處波羅奈城有一信行善優婆塞受持五戒日八彼優婆塞善解五明分別世論能解其義九彼優婆塞至鹿苑林向諸比丘略而問義如是問已時諸比丘即爲廣說彼優婆塞既聞彼等諸比丘輩爲其廣說如是之義心生欣羨發如是願善哉希有願我來世更得勝於如此之法亦能如是分別爲他次第而說如此比丘等無有

異爾時佛告諸比丘言汝等當知彼時五戒優婆塞者即此摩訶迦旃延是以彼佛邊受持五戒爲優婆塞善解五明微細之義復能分別爲他解說於彼時發如是誓願願我來世成就是等一切諸法能廣爲他種種解說

又復比丘汝等當知是迦旃延比丘往昔歡喜心種如是善根以是因緣至於我邊即得出家成羅漢果我今授記於我聲聞大衆之中略義能廣廣義能略第一之者所謂摩訶迦旃延比丘是也是時世間即成九十二

阿羅漢第一世尊後五比丘并及長老耶輸陀身又耶輸陀大富朋友諸長者等勝中復勝諸善男子所謂無垢善臂滿足并牛主等又耶輸陀復有五十商主朋友他方所來諸善男子又復長老富樓那彌多羅尼子及其朋友二十九人并及長老迦旃延等娑毗耶出家品第四十二之一

爾時北天竺有一城名特叉尸羅此言前石時彼城內有於一家彼家婦女忽爾雙產男女二人時其父母即召明師令爲相之是時相師

即爲占之云女薄相無有吉利彼女父母聞此言已作如是念此女今既無有好相則不吉祥若至長成當是誰取用其作婦父母如是共平章已即將彼女乞一學問外道之婦其外道名波黎婆闍此言行行作如是言我今乞

汝此女養育教示道法令其增長若有所須調度供擬我當悉與爾時外道波黎婆闍即便攝受彼女養育如是看視其女漸漸隨時長大及至笄年女意智成時彼外道波黎婆闍婦見女大即教彼女種種咒術種種技能

悉皆成就意智明解種種諸論至齒成就端正少雙多人喜見身體柔軟面目勝他骨節成熟身體正等無所缺減爾時彼女身體上著一奢綺衣在於腰下一奢綺衣披置肩上手中執持三奇立桓擬潔洗時安瓶之所遊歷處處村城聚落國邑王門覓諸外道欲共論議欲折伏故而漸漸行值一波黎婆闍道人名曰最妙自在勝他處處遊歷從南天竺來往北天時彼道人亦復可喜端正少雙年又盛壯爲人樂見面目還爾勝於他人身體

整頰支節可喜於諸論師最得名聞時彼道人見此波黎婆闍之女如是可喜端正容色爲他樂覩見已於彼波黎婆闍女人之邊生愛著心時彼波黎婆闍之女亦復於彼波黎婆闍道人之邊亦生染心更相貪戀私惑無

日入
已爾時彼客波黎婆闍道人即語於彼波黎婆闍女如是言善女仁者我意今者甚願樂女共行世事是時彼女亦復報言我今心中亦貪樂仁欲得一處時彼波黎婆闍道人報彼女言我等二人俱是出家修道之者若在

如是法行之中作世事者而諸人等若見我輩作如是事即便訶責毀辱我等我等今可於諸人前共相論議立要誓言若不如者即教承事爾時彼女即如是言若我得勝汝脫不如此事不善便成非理豈有丈夫事女人乎若女不如伏事丈夫此事乃善此是順理時彼波黎婆闍道人即報女言善哉德女汝此語義甚爲當理如汝所說爾時波黎婆闍道人即於衆中打論議鼓而告之言此處頗有人能共我問答以不若或波黎婆闍道人

若或波黎婆闍女人誰能共我問答語言能者爲善如是至三時彼波黎婆闍女人在衆中聞如是語已即使唱言我今甚能共汝論議往來問答爾時彼女容儀詳序在大衆內發問其義時彼波黎婆闍道人爲解得通而彼波黎婆闍道人反問彼女女解亦通如是再過各各相問各各相通至第三過而彼波黎婆闍道人問彼女義其女有力能爲解通但護於彼波黎婆闍心相愛故現同不通默然不答時彼波黎婆闍道人即於衆中降伏

彼女爾時彼女既被波黎婆闍道人所降伏已即便對衆從彼波黎婆闍道人身手之邊取其革屣及三叉拒執持而行彼等二人既現相已如是穢亂各不相避共一處行以彼道人二和合故其女日即便有於娠體女既有一處行故失於容色不復端正而被波黎婆闍道人見彼女身失本顏色即生厭賤而告彼言我不復能共汝一處居住停止時彼女人報彼波黎婆闍道人作如是言我等二人既並修道兩俱失意今於汝邊已有此胎

汝今見我無有華色忽棄捨我我當立死若其未死必受大苦時彼波黎婆闍道人離心既決與彼女人一金指環用以爲記復告女言汝若生女用此指環貿易取財持以養育若生男者汝當與此指環爲記令尋覓我付指環已捨彼女去背面還向南天竺行爾時波黎婆闍女人懷抱娠體遊歷處處經涉而行漸漸至於摩頭聚落時彼聚落有邊地州名曰白雲在於彼處寄一縣內產一男兒兒既生已時彼縣內所有居住男子婦人皆生

憐愛慈愍之心或與彼酥或與彼油自餘所
須皆亦布施而彼波黎婆闍女人如是思惟
我今此子在縣內生今可立名還依地詔是
故此子名娑毗耶此言縣官時彼女人波黎婆闍
如法養育子娑毗耶令其增長與於乳鋪而
娑毗耶童子長大意智漸漸向欲長成而彼
波黎婆闍女人即教其子書畫算數印記呪
術自餘諸論悉教使成而彼童子捷利聰明
所學之事皆得成就無不知者時娑毗耶曾
一日問其母言阿娘阿娘我父是誰今在

何處是時彼母報其子言子娑毗耶汝父今
在南天竺國汝今宜應至彼尋求推覓汝父
是時彼母即與其子夫先所留指環爲記出
而付之而告之言汝將此記尋求汝父而娑
毗耶即報母言一如母教我當依行時娑毗
耶受取記已漸漸發向於南天竺從村至村
從一聚落至一聚落從城至城漸漸而向南
天竺地所至之處見論議人皆悉降伏漸到
父所旣不識父亦不借問至已即打論議之
鼓作如是言此處頗有或復波黎婆闍道人

或復波黎婆闍之女有能共我問答論議如是者不時娑毗耶童子之父既覩童子亦見即便心裏自然生愛子想而彼波黎婆闍道人問童子言汝善童子汝今是誰從何來也是時童子即向波黎婆闍道人委曲而說其來因緣出於指環而以示現時彼波黎婆闍道人見指環已語童子言汝是我子時彼波黎婆闍道人既得子已即更增進教示種種

之法時彼波黎婆闍道人其後不久遂便命終時娑毗耶父命終後漸漸行至向海岸邊既至彼處即便造作草庵而住彼處寂靜思惟而坐不久成就獲得四禪兼證五通既證獲已心如是念世間所有諸阿羅漢或復自稱我得羅漢阿羅漢道我於彼邊亦名羅漢十四

一種無異時娑毗耶童子之母其命先終即得上生三十三天是時世尊既已證得阿耨多羅三藐三菩提在鹿野苑轉於無上法輪之後時彼地居諸天各各迭相唱告其聲轉

轉相承上至三十三天爾時忉利童子母天聞此聲已內心思惟我子今日住在何處彼正念觀即見其子在海岸住爾時彼天身色過他正當夜半放天光明照子住處至娑毗耶波黎婆闍行邊告娑毗耶言汝娑毗耶非是羅漢亦復未入阿羅漢道及羅漢法汝於羅漢求道之法未有次第而娑毗耶問彼天言天是阿誰天今復是羅漢以不有入羅漢道法以不頗復有知羅漢法教能令學習得羅漢不爾時彼天即便報於娑毗耶言汝

婆毗耶今有世尊多陀阿伽度阿羅訶三藐二佛陀現在於彼波羅柰國鹿野苑中仙人居處而彼世尊自是羅漢入羅漢道自解知已復能教他得羅漢法時娑毗耶復問天言仁者大天我今無智作何方便乃能得知彼是多他阿伽度阿羅訶三藐三佛陀爾時彼天教娑毗耶作如是言波黎婆闍汝問義法目八十五應須如是汝受如是比丘名也云何調伏云何善行云何名佛云何比丘云何沙門及婆羅門云何清淨云何是智及智福田云何名

巧善解方便云何名仙云何名聞云何隨順
云何精進云何名龍云何名受云何名聖云
何行行云何求道汝婆毗耶若見有人汝問
是義彼人一一爲汝解說令汝歡喜汝於彼
遂行於梵行時娑毗耶波黎婆闍從彼天聞
如是文句心憶持已即遊歷行一切國城村
邑聚落處處打鼓求欲論議復口唱言若有
沙門及婆羅門能解如是我問義不是時至
處無有一人能解如是議論之者時婆毗耶
所行之處或舊有人坐思惟法或論議者聞

婆毗耶來到其邊各各散走終無人敢共彼
論議言語談說時婆毗耶波黎婆闍次第而
行漸漸至彼波羅奈城爾時彼城有六大師
各各唱言我於世間是取爲第一謂富蘭那并
三迦葉尼乾子等時婆毗耶即便往詣彼富
蘭那迦葉等邊到已即共彼富蘭那面相慰
喻言語問訊言說訖已却住一面

佛本行集經卷第三十八

音釋

擴古猛切罵逆各切鋪蒲故切嬾女良
惡也 齒牙牀也 飴食也 切嬾

曰八

十六